

欽定剿平三省邪匪方略

正編

二

卷之三 雜著

三

欽定剿平三省邪匪方略卷首

天章

高宗純皇帝聖製詩

二

節後萬壽山紀事一律

以下丁巳

節中無暇問崇椒節後偷閒閱景韶丙歲幸蒙兩邁

丙條風誠是不鳴條

易緯立春條風至

川東邪翦獲二首

今日

宜綿奏到四川太平縣邪教逆匪於通天觀高家寨
南津關三處犄角抗拒宜綿於初六日分飭將弁率

兵攻剿先克通天觀旋破高家寨南津關殺賊幾及
三千生擒三百五十餘人內有龍通智謝克福二人
訊係賊首皆於取供後凌遲梟示巢穴掃淨大路已
通我兵即可前往東鄉與觀成英善等兩面夾擊賊
匪即日可
湖北逆殲到一朝
須臾又接惠齡馳報前
已將賊匪痛加剿洗賊

分三起潰散十三四日分派官兵恒瑞等由西路迎
擊慶成等由北路迎擊舒亮等由東路迎擊惠齡等
策應西北一路景安等策應東北一路俱各奮勇剿
殺賊勢實不能支連日總計殲戮賊匪實有四千餘
人生擒者七百餘人其自相踐踏滾山落溝者不可
勝計餘賊僅存數千潰逃現在分兵追捕設法擒獲
首逆等語兩處捷音
却見昨年題壁句盼同捷信復
同日馳到殊堪慰念

心焦

昨年正月下旬正當剿辦湖南苗匪其時石三保石柳鄧二逆未獲是以節後萬壽山樂壽堂

詩有生擒二寇信猶待之句今苗境全平首逆無一漏網功成完善惟湖北邪教首逆劉之協姚之富二犯生擒之信尚未馳到今日來此閱壁間題句與昨年盼捷情景仍復相同不免尚爲縈縊

御苑泛舟作

五朝水盡開

仲春巳閏五日御園河水盡泮舟楫可通葢春融水釋氣候自然而向來內監

操舟者每强行開鑿以通舟路意在獻勤寔可厭惡屢有詩飭之

御苑泛舟纔景物

又殊視時光寔迅催底猶舒志未仍望捷音來每報

賊窮蹙

自前月廿四日以後節次據惠齡報到大兵痛剿賊匪先後斬戮九千餘人餘賊四散奔

逃今據奏惠齡恒瑞慶成舒亮等分兵四面兜擒擊殺賊匪四五百人時有手執大旗賊目往來號召極為兇悍先經碩雲保射其左膀恒瑞射其右脇該犯拔箭馳驟如舊又經慶成射中其腰始行落馬被獲卽令先獲之賊識認均稱寔係緊要賊目劉起榮無疑因訊供解京辦理現在乘勝跟蹤追捕黨惡旣擒賊勢益加窮蹙惟存首逆姚之富賊目張富國二人狼狽奔竄自必無處可逃佇盼生擒兇渠寔信報來則湖北邪教擒兇何殫哉根株盡拔矣

卽事口號

襄陽邪教賊匪經大兵圍剿有賊目劉起榮者
馳馬執旗指揮抗拒勢甚兇悍我帶兵大臣共
圍之將軍恒瑞副都統碩雲保連射其脇膀賊
拔箭猶復往來馳驟繼爲慶成射中賊腰乃落
馬生擒之慶成者漢軍旗人伊高祖孫思克康
熙年間屢著勲績其子承運尙九公主生五福
爲都統御前侍衛卽慶成之祖慶成爲公主曾

孫現亦御前侍衛直隸提督世臣如此奮勇可

嘉口占紀之

拔箭揮旗猖賊兵中

去聲

腰落馬乃擒生射腰中者問

誰是公主曾孫名慶成

河南巡撫景安奏剿除浙川內鄉二縣教匪首夥

盡淨詩以誌事

邇來佳信每頻來信報景安佳倍哉督率官軍兼義

勇全平教黨及兇魁

河南浙川內鄉一帶山徑叢雜路通楚陝景安留心先已派令

將弁帶兵在李官橋等處扼要防範嗣知賊衆有欲竄赴陝西之意卽令道府等前往慎密查訪盤獲形迹可疑之丁自有等訊得浙川教匪糾約竊發情節景安聞信因湖北賊匪已向東南潰逃離豫境甚遠卽將東北一帶邊境交總兵王文雄帶兵堵截景安帶兵八百名由內鄉馳赴浙川訊出教匪等輾轉傳徒私製刀鎗旗幟號衣等物屬寔恐匪衆聞風漏網必須乘其未發先行撲滅爲安卽督率文武員弁帶兵馳赴南北鎖東西黃大溝泉等處村莊出其不意分投擒剿逆匪等竟敢持械抗拒經官兵鄉勇立時殲斃一千餘人生擒教首王佐臣楊賈氏併賊目楊志才等及一百五十餘犯當卽凌遲梟示全行平定

豫鄂楚逆勾連密事隱亂前盡與摧

浙川地方教匪於正月初旬即

與湖北賊匪暗相通信糾約勾連欲俟姚之富等竄至浙川即一齊豎旗接應旋聞官兵將賊殺敗逃竄東南該犯等未及起事又欲俟李官橋官兵撤回之後另圖乘機竊發乃於逆迹未發之先早已敗露即行駢誅淨盡俾良善輯寧民心鎮定景安辦理此事寔爲妥善可嘉不動色聲千寇剿

功贏力戰賚恩該

景安於上年十一月初一日帶兵四百名在鄧州南界楚省之魏家

集截殺楚匪之北竄者楚匪探知景安兵少賊兵分爲二路共有六七千人圍營攻撲景安飭令將弁密備鎗礮俟賊兵撲入一齊施放擊斃數十人賊衆驚懼不敢近逼又見營中安靜如常疑有掩襲之計日

晚盡行退去此由

吳蒼默佑賊兵疑畏白退豫

省不致蹂躪亦因景安鎮靜堅守相持至一晝夜不動聲色得以無事寔爲可嘉此次剿滅豫境教匪又能乘其未發之前密爲查察卽發兵掩捕逆首夥黨無一漏網者亦以不動聲色而相機行事攻其不備成此大功是景安之保障封疆較之盡力行間尤爲難得不可不加之懋賞以褒偉績因恩賜景安雙眼花翎晉封伯爵并加優賚其在事員弁亦均交部優敘兵丁加賞一月錢糧以示鼓勵

田盤迴蹕至御園疊啟蹕詩韻

本擬遊盤一散

上聲下同

悶悶猶未散日增深兩兕湖北

仍待捷

前此惠齡等奏賊匪分路竄逃派撥官兵於長岡店板橋岡黑虎嶺等處截剿賊黨殲洗

殆盡惟首逆姚之富劉之協尚在竄匿然生擒喜音未至猶爲縈念

大勝川東畧悅襟

今日甫至御園宜綿明亮等奏攻奪大團包冉家壩口姚家壩緊要賊卡三處將守卡賊匪痛加殲戮並連日剿捕賊匪奪占賊之門戶我軍聲威益振賊勢日就窮蹙盼捷之心爲之稍慰奪卡占船

阻賊路

達州賊匪分據金峩寺清溪場二處金峩寺背倚馬伏山而冉家壩口爲其門戶有高峯

名大團包適臨其旁賊屯聚二千餘人於冉家壩口大團包二卡併力堅守清溪場恃河爲固賊取所掠船排列河之東岸立柵施放鎗礮又於金峩寺清溪場之間地名姚家壩安設大卡聯絡聲勢宜綿等令

總兵索費英阿帶領官兵進攻大團包誘賊出卡撲營飭叅將瑪靈阿等潛由大團包山後繞上高峯奪占賊寨其撲營之賊被我兵鎗礮擊退瑪靈阿等之兵又從大團包而下賊驚愕奔逃截剿殆盡賊首徐添德等見我兵已得大卡率賊四千餘前來欲圖奪卡該鎮鼓勵將士奮勇迎擊殺賊七百餘人復經總兵朱射斗艾如文等督率官兵痛加剿戮而提督柯藩等進攻清溪場之姚家壩卡密帶弁兵從上流用木筏渡河令善泅人沒水赴東岸解纜占賊船賊不及防我兵已斫開木柵而入昏夜陰雨不知官兵虛寔賊悉棄卡而逃我兵得船渡河者接踵卽占據姚家壩卡紮營於是金峩寺清溪場兩處賊營要害之地皆爲官兵奪取諒相機衝險督兵尋

明亮等續行帶來之兵此

時諒已到齊而宜綿自泥河口將軍山通天觀東鄉等處佈置得宜一路游刃有餘諒此么膺指日就擒卽令其速赴襄陽協剿待晴免寧分途進一舉期聞首逆擒

宜綿

等盡奪要害賊卡賊困守金峩寺清溪場聲息不通原可卽行翦滅因陰雨連綿賊巢據高臨險路滑難以仰攻尙稽顯戮與前日惠齡奏剿捕襄陽竄匪因連日雨雪泥深人馬難以馳驟俟稍晴卽可探知賊蹤星往掩捕而額勒登保抵黃栢山亦因霧雨未得進兵相同竚待吳蒼眷佑三處速得快晴及早歲事諒姚之富劉之協林之華覃加耀徐添德等竄匿餘生俱可一舉殲擒不能再延殘喘矣成功將近企望更殷

巡撫汪新總兵馬瑀奏報剿捕夾河洲賊匪淨盡

並領侍衛內大臣額勒登保總督福寧奏報攻

克蜈蚣山進逼四方臺詩以誌事

湖北邪教首起事原襄陽屢征屢得勝多難數

上聲厥

祥

自湖北教匪滋事湖北巡撫惠齡聞變卽率兵往

剿於灌灣腦等處征滅賊衆生擒首逆張正謨聶
傑人向瑤明及助逆之劉洪鐸等又攻克通賊之涼
山擒首逆覃士潮張日先復於石門剿賊擒賊目陳
谷保等總督畢沅攻克當陽擒賊首楊起元明亮等
剿滅孝感縣之胡家砦擒賊目劉世珍等提督慶成

在襄陽生擒賊目劉起榮皆有
詩紀之其餘捷奏不可勝計

賊分三路竄三路追

剿獲

賊匪經惠齡等痛殲餘賊分作三路逃竄我軍
亦分三路兜擒惠齡恒瑞等為一路慶成巴克

坦布訥音為一路河南巡撫景安及興肇王文雄
等為一路於襄陽南陽一帶地方率兵追逐剿捕茲

討逃迴者功則馬

瑀

與汪

新

伏匿夾河洲兵器潛埋

藏志欲勾合賊鎮

馬瑀

道

胡齊

密報忙發兵速搜捕乘

其未備強

雙溝相近之夾河洲本係姚之富等嘯聚
起事之地巡撫汪新慮襄陽賊眾竄回伏

匿勾煽生事因飭鎮道等留心偵察三月二十日襄
陽道胡齊崙知賊人有欲竊掠蠢動情形即密稟汪

勒一面會同總兵馬瑀率兵前赴雙溝訪知有賊目
王集義吳國萃黃世昌郝以謙鄭宗朝散李氏等勾
結匪徒復思鼓煽爲逆卽密派鄉勇眼目前往掩執
散李氏到營訊知各犯住址卽選派文武員弁分投
密捕委員朱謨高璐等獲賊目王集義吳國萃鄭宗
朝等并搜獲旗鎗刀鎗等器械出賊不備皆束手就
擒

逆賊竟拒捕箭中賊目狂

委員等獲得賊首行經
李家橋突有賊匪二百

餘人截路搶奪適馬瑀馳射賊目郝以謙落馬我兵
卽奮前迎擊賊皆西遁有委員虞友度等督率鄉勇
迎截生擒賊目黃世昌於時各村賊
匪不突狼奔官兵追逐俱卽殲斃

全洲剿洗淨稱

慶村民相

全洲村落甚多尙有教匪未入賊營者此
次前來助惡翦刈殆盡其生擒梟示者有